



Helsinški Parlament Građana (hCa) Tuzla
Helsinki Citizens' Assembly (hCa) Tuzla
Omladinski resursni centar Tuzla
Youth Resource Center Tuzla
Hadži Bakirbega Tuzlića 1, 75000 Tuzla,
Bosna i Hercegovina
Tel/fax: ++387 35 258 077
e-mail: hcatuzla@bih.net.ba, orctuzla@bih.net.ba
www.omladina-bih.net



HRONIKA 9

BOSNA I HERCEGOVINA I TERORIZAM.

Posmatrajući Bosnu i Hercegovinu u ovom tranzicijskom periodu, velikoj ekonomskoj krizi, raznim političkim i ekonomskim previranjima, periodima gladi i neimaštine - mogu se sagledati veze Bosne i Hercegovine sa nekim vrstama terorizma kao i sa terorističkim organizacijama. Teško je reći da bilo koja zemlja na planeti nema neke veze sa nekom vrstom terorizma, pa tako ni BiH nije imuna na tu vrstu nasilja i političkog uticaja.

Nakon raspada Socijalističke Federativne Republike Jugoslavije (SFRJ)¹, i poslije prvih demokratskih izbora u BiH, na vlast su došle nacionalističke stranke kojima je osnovni cilj bio podjela BiH. Kada su potrošene sve političke opcije za mirnom podjelom BiH od strane nacionalističkih stranaka, potpomognute umnogome sa političkim i svim mogućim djelovanjima država u okruženju BiH, započeo je rat u BiH: Rat koji neki nazivaju građanskim ili nacionalnim, neki vjerskim ratom, a neki i agresijom, jer je uticaj zemalja u okruženju (konkretno Hrvatske i Srbije) na rat u BiH bio agresorski.

Rat je u principu vođen sa tri strane (srpske, hrvatske i bošnjačke). Postojale su tri vojne formacije: **Armija BiH**² - koja se borila za cijelovitu BiH i čiji su pripadnici većinom bili bošnjaci. Zatim **HVO**³ (Hrvatsko vijeće odbrane) čiji su pripadnici bili građani hrvatske nacionalnosti sa ciljem stvaranja teritorije sa većinskim hrvatskim stanovništvom, velikim dijelom iz Hercegovine, srednje i sjeverne Bosne, te pripadnici **Vojske Republike Srpske**⁴, čiji su pripadnici bili pripadnici srpske nacionalnosti i čiji je cilj bio stvaranje Republike Srpske, odvajanje iste od BiH i pripajanje Srbiji u okviru velikosrpske politike pod nazivom Velika Srbija. I svako je ratovao protiv svakoga.

Bošnjačka strana, koja je pripadala Armiji BiH, i koja je ujedno bila i najslabija što se tiče naoružanja i drugih materijalnih sredstava, u jednom periodu četverogodišnjeg ratovanja odlučila se za uvoz plaćeničkih boraca, najviše iz arapskih zemalja. Tako je u toku rata u BiH, u okviru Armije BiH osnovano nekoliko jedinica čiji su pripadnici većinom bili plaćenici iz arapskih zemalja i koje su bile pod komandom Armije BiH. Dovođenje ovih stranih plaćenika će imati uticaj na mnoge negativne stvari u BiH u zadnjih 15 godina što se tiče terorizma i sve manjeg sekularizma unutar BiH.

Jedna od najpoznatijih jedinica Armije BiH sastavljena od stranih plaćenika bila je El Mudžahid.⁵

El Mudžahid (arapski: دعامة ل) bila je jedinica Armije Republike Bosne i Hercegovine sastavljena od mudžahedina, stranaca i bosanskohercegovačkih muslimana. Osnovana je 13. Avgusta 1993. po naredbi generala Rasima Delića. Bila je u

¹ http://bs.wikipedia.org/wiki/Socijalisti%C4%8Dka_federativna_republika_Jugoslavija

² http://hr.wikipedia.org/wiki/Armija_Republike_Bosne_i_Hercegovine

³ http://hr.wikipedia.org/wiki/Hrvatsko_vije%C4%87e_obreane

⁴ http://sh.wikipedia.org/wiki/Vojska_Republike_Srpske

⁵ http://hr.wikipedia.org/wiki/El_Mud%C5%BEahid

sastavu Trećeg korpusa Armije RBiH, a borila se protiv hrvatskih i srpskih snaga u vrijeme rata u Bosni i Hercegovini. Jedinica El Mudžahid poznata je po svojim nedjelima počinjenih tokom rata.



Neosporno je da su i druge dvije strane u toku rata u BiH takođe u svojim jedinicama imale strane plaćenike, ali uticaj plaćenika poput pripadnika El Mudžahid jedinice na BiH poslije rata i na porast nasilja i terorizma u tranzicijskoj BiH je vidljiviji i očitiji.

POJAVA VEHABIJSKOG (SELEFIJSKOG) POKRETA U BiH I ODRAŽAVANJE NJIHOVOG POKRETA NA INTEGRACIJE U EU.

Završetkom rata mnogi strani plaćenici arapskoga porijekla koji su bili pripadnici El Mudžahid jedinice odlučili su, naravno uz veliku pomoć vladajućih političkih struktura u BiH, naročito u entitetu Federacije BiH, da nastave živjeti u BiH. Zajedno sa svojim vjerskim istomišljenicima osnovali su nekoliko naselja (Gornja Maoča⁶ i u nekim djelovima Krajine) u kojima upražnjavaju vjeru i život po selefijskom učenju.

Selefije⁷ propovjedaju islamski monoteizam, odnosno tevhid, i preuzimaju određena učenja od Ibn Tejmije, sirijskog učenjaka iz 14. vijeka. Selefizam je u osnovi u sukobu sa Sufizmom i Šiitskim islamom, koje smatraju hereticima. Selefijaska teologija zastupa puritansko i pravno stajalište u stvarima vjere i religijskoj praksi. Oni smatraju da je njihov zadatak da vrata islam u stanje kakvo je bio u doba Poslanika i njegovih pravednih halifa. Žele da izbace sve novotarije, idolatrije, devijacije i hereze.

Nisu poznata veća raslojavanja unutar Selefizma, osim što u novije vrijeme ostale islamske grupacije koristeći naziv reformatora i učenjaka Muhammeda ibn Abdul Vehaba, nazivaju Selefije Vehabijama.

Vehabizam⁸ je pokret koji je dobio ime po svom začetniku Muhammed ibn Abdul Vehabu u 18. vijeku. Abdul Vehab se školovao pod okriljem Sunitskog islama, i izučavao je fikh Hanbelijskog mezheba, međutim, kad god bi primijetio neko neslaganje, on bi se priklonio onoj pravnoj školi koja je, prema njegovom mišljenju, imala ispravnije mišljenje. Ovaj pokret dominantan je u Saudijskoj Arabiji.

U Bosni i Hercegovini je prisutan određen broj vjernika koji prihvataju mišljenja Abdul Vehaba, ali oni ne prihvataju naziv "vehabije", nego sebe rađe zovu selefijama.

Selefije iz BiH su se od završetka rata, pa do ovih dana često dovodili u vezu sa mnogim terorističkim grupama, konkretno Al Kaidom i sa ćelijama Al Kaide u Sandžaku, Srbiji i Austriji, kao i sa pripadnicima Islamske države u Siriji.

⁶ http://en.wikipedia.org/wiki/Gornja_Mao%C4%8Da

⁷ http://bs.wikipedia.org/wiki/Pravci_u_islamu#Selefizam

⁸ <http://hr.wikipedia.org/wiki/Vehabizam>

Al-Kaida⁹ (arapski **قاعدة** - **al-Kā'idah**, "baza") ime je međunarodnog saveza Islamskih terorističkih organizacija. Osnovani su je arapski mudžahedinski dobrovoljci koji su tokom odamdesetih godina odlazili u Afganistan boriti se protiv snaga SSSR-a. Glavne vođe te organizacije su Saudijac **Osama bin Laden**¹⁰ i Egipćanin **Ayman al-Zawahiri**¹¹. Al-Kaida je odgovorna za više teških terorističkih napada, kao što su napadi 11. Septembra 2001., nakon kojih SAD pokreće rRat protiv terorizma koji je bitno oslabljuje i tjera njezine članove iz Afganistana. Nakon toga al-Kaida se reorganizira i sprema za nove napade. Iako je za mnoge državne vlasti Al-Kaida teroristički ustroj, neki smatraju da je to savez koji se bori za slobodu svojega naroda a protiv okupacije Iraka i Afganistana.

Selefije (vehabije) i njihovi sljedbenici zbog svoga učenja i razumjevanja Kurana od prvih godina mira u BiH dolaze u česte konflikte sa demokratskim vlastima u BiH, kao i sa predstavnicima IZ (Islamska zajednica) sa kojima imaju jako malo dodirnih tačaka. Ti konflikti su često doveli do ekstremnih situacija pa čak i do nasilja, a ponekad i do terorističkih akcija.

Terorističke akcije koje su usko vezane u Selefije (vehabije) iz BiH su:

- Teroristički napad u hiper- marketu u Bugojnu, kada je pripadnik selefijskog pokreta Haris Čaušević aktivirao eksplozivnu napravu u hiper- marketu i ubio jednog policajca, jednu policajku ranio, a materijalna šteta koja je napravljena u i oko marketa nikada nije utvrđena¹².



- Napad na Američku ambasadu u Sarajevu. Pripadnik vehabijskog pokreta Mevlid Jašarević¹³ (23) iz Novog Pazara ranjen je, nakon što je naoružan kalašnjikovim napao Ambasadu Sjedinjenih Američkih Država u glavnom gradu Bosne i Hercegovine. Pucajući oko sebe, Jašarević je ranio jednog policajca, a spekuliše se da je tokom napada imao i jednog ili više pomagača.



⁹ <http://hr.wikipedia.org/wiki/Al-Kaida>

¹⁰ http://hr.wikipedia.org/wiki/Osama_bin_Laden

¹¹ http://hr.wikipedia.org/wiki/Ayman_al-Zawahiri

¹² <http://dnevnik.hr/vijesti/svijet/bih-u-eksploziji-poginuo-policajac.html>

¹³ <http://www.jutarnji.hr/tko-je-mevlid-jasarevic--napadac-na-ambasadu-sad-a/983917/>

- Napadi na pripadnike i stanovnike druge nacije i vjere kao naprimjer ubistvo porodice Anđelić 2002-e godine od strane pripadnika vehabijskog pokreta Muamera Topalovića¹⁴ za koje je pravomoćno osuđen 35 godina zatvora zbog izvršenja trostrukog ubistva iz vjerskih i nacionalnih pobuda.

ODLAZAK BOSANSKOHERCEGOVAČKIH DRŽAVLJANA U RAT U SIRIJU

U posljednje vrijeme Selefijski pokret u BiH se često povezuje sa skupljanjem boraca (dobrovoljaca) za odlazak u Siriju, Irak i Avganistan za borbu na strani Islamske države koja je od strane mnogih zemalja svijeta proglašena za terorističku organizaciju.

Islamska Država, ranije poznata kao **Islamska država Iraka i Levanta (IDIL)**, ili **Islamska država Iraka i Šama (IDIŠ)**¹⁵ jeste međunarodno nepriznata država i džihadistička grupa aktivna na području Iraka i Sirije.

Grupa je opisana od strane Ujedinjenih Nacija kao teroristička grupa i određena je kao strana teroristička organizacija od strane SAD-a, Ujedinjenog Kraljevstva, Australije, Kanade, Indonezije i Saudijske Arabije. Ujedinjene Nacije i Amnesty International su optužili grupu zbog teških povreda ljudskih prava.



Područje teritorije samoproglašene Islamske države

Direktor Obavještajno-sigurnosne agencije (OSA), Almir Džuvo uputio je izvještaj Vijeću ministara BiH, u kojme se nalaze podaci o BiH državljanima koji se nalaze na ratištima po Siriji. Tu se nalaze podaci za oko 200 BiH državljana koji su proteklih godina boravili, ili se još uvijek nalaze u ratnoj zoni Sirije.

Još uvijek nije poznato da li će se najviši državni dužnosnici uskoro sastati kako bi konačno zauzeli stav o globalnoj pretnji koja je, sudeći prema izostanku zvaničnih reakcija, još samo u BiH i dalje tabu tema.

Podaci koji se mogu vidjeti u izvještaju OSA prema Vijeću ministara su otprilike ovi:

- 200 državljana BiH je do sada boravilo u Siriji
- 100 državljana BiH se još uvijek nalazi u Siriji
- 28 državljana BiH je poginulo u protekle tri godine u Siriji
- Od tih 28 državljana, 27 je muškaraca i jedna žena
- 40 državljana BiH se iz Sirije vratilo u BiH¹⁶

¹⁴ <http://www.hercegovina.info/tags/index/muamer-topalovic>

¹⁵ http://hr.wikipedia.org/wiki/Islamska_Dr%C5%BEava_Iraka_i_Levanta

BIH DRUŠTVO NASPRAM GLOBALNOG TERORIZMA - STANJE SIGURNOSTI

Zabrinjavajuća je i pomalo začuđujuća nezainteresovanost struktura vlasti oko sve veće prijetnje terorizmom od strane Islamske države ka Europi i Americi kao i sve većoj i vidljivijoj vezi BiH sa Islamskom državom.

"Pitanje borbe protiv terorizma nije stvar lokalnog nivoa. Ne možete hermetički zatvoriti Sarajevo ili bilo koji drugi grad i reći: baš me briga za ostalo. No, osnovno je da bezbjedonosne agencije surađuju. Poslije 7.februara 2014. to je krenulo nabolje, ali nam je još veoma rascjepkan, usitnjen bezbjednosni prostor. Imamo toliko raznih agencija, a u suštini imamo jako puno problema. Država, sa svojim aparatom mora nam pružati materijalno-tehničku podršku. Nažalost, kod nas često niko vas živ ne razumije, a ne razumije prije svega to da pitanje bezbjednosti nije samo pitanje policijske agencije, već svih nivoa vlasti i svih građana. Međutim, godinu poslije, nijedan zaključak Skupštine Kantona Sarajevo vezan za stvaranje pretpostavki za efikasniji rad kantonalne policije nije realizovan. A jednoglasno je donijeta odluka da se nabavi specijalistička oprema. Rok je bio odmah".¹⁷

U posljednje vrijeme se primjećuje veća mobilizacija policijskih snaga BiH koji, u saradnji sa američkim FBI rade na sprječavanju ovih vrsta aktivnosti u vezi sa Islamskom državom kao i hapšenju pripadnika Selefijskog pokreta, za koje se sumnja da su povezani sa mobilizacijom dobrovoljaca koji odlaze da se bore za Islamsku državu.

Američki Savezni istražni ured (FBI) je, zbog sumnje da su teroristima Islamske države osigurali novac i opremu, uhapsio Ramiza Zijada Hodžića (40), njegovu suprugu Sedinu Unkić-Hodžić (35) te Armina Harčevića (37). Svo troje su američki državljani. Ostali optuženi su Nihad Rosić (26), Mediha Salkičević (34) i Jasminka Ramić (42), koji u SAD borave kao stranci.

Svi oni dovode se u vezu s Ramom Pazarom, rođenim u Tesliću, u sjevernoj Bosni. Pazara je tijekom jeseni 2014. godine poginuo na ratištu u Siriji, kod gradića Kobane, gdje su vođene teške borbe između terorista IS-a i kurdskih snaga. Istražitelji sumnjaju kako je baš Pazara na stotine mladića iz BiH regrutovao za ratovanje u Siriji i Iraku.¹⁸

Sve češće je Bosna i Hercegovina i njena veza sa terorističkim organizacijama tema stranih medija, pa su tako i neki Njemački mediji u zadnjim sedmicama pisali o kampovima vehabija i selefija u Gornjoj Maoči.

„Bosna i Hercegovina je najveći regrutni centar ‘Islamske države’ u Evropi. Eksperti procjenjuju da je iz čitavog regiona Zapadnog Balkana u borbe u Iraku i Siriji otišlo oko hiljadu boraca. Među njima su i Bošnjaci koji u međuvremenu imaju austrijsko, srpsko ili njemačko državljanstvo. A najvažniji centar za njihovo vrbovanje je Gornja Maoča“, piše Tagesšpigel - napominjući da je i u decembru 2014. u raciji koja je sprovedena u selu uhapšeno nekoliko osoba. „Pripadnici SIPE su i u februaru pretraživali selo, jer je bilo spekulacija da se u okolini nalazi teroristički kamp. Mnogi stanovnici Gornje Maoče su sljedbenici ultrakonzervativnog tumačenja islama raširenog u Saudijskoj Arabiji, koji se pak, nakon rata u BiH, zadržao i u regionu. Jer tada su hiljade mudžahedina došle iz sjeverne Afrike, sa Bliskog i Srednjeg istoka kako bi se borili na strani bh muslimana. Poslije rata u Bosni i Hercegovini su nastale islamističke enklave, između ostalog i zato što

¹⁶ Slobodna Bosna, br.949, 15.01.2015

¹⁷ (Nermin Pećanac, MUP Kantona Sarajevo, izvor: DANI, br.918, 16.01.2015)

¹⁸ <http://www.index.hr/vijesti/clanak/fbi-i-sipa-istrazuju-veze-izmedju-bih-i-islamske-drzave/800379.aspx>

je mnogo stranih džihadista ostalo u zemlji. Mnogi mudžahedini su donijeli sa sobom i ratno iskustvo iz Avganistana. Među njima su bili i pripadnici Al Kaide, koje je u Bosnu i Hercegovinu poslao Osama bin Laden. U avgustu 1993. su osnovali jedinicu 'El Mudžahid'.¹⁹

Interesantno je da su se i neki političari malo više angažovali oko razotkrivanja veza Islamske države i Bosne i Hercegovine. Jedan od njih je i Mirsad Kebo, sada već bivši potpredsjednik Federacije BiH koji je policijskim službama predao preko hiljadu stranica dokaza o vezama BiH sa Islamskom državom, kao i vezama političkih struktura sa mudžahedinima u BiH koji dosežu još od ratnih godina.²⁰

Zato ga mnogi Bošnjaci optužuju da je izdajnik. A on kaže: *Nikada nisam kritikovao Armiju Bosne i Hercegovine. Ja govorim o zločinima koje su počinili strani islamisti u ratu protiv civila.* Mirsad Kebo je proteklih nedjelja promijenio stranu. Rekao je da nije više htio da gleda kako njegovi bivši stranački drugovi iz bošnjačko-konzervativne SDA eksploatišu zemlju i sve više je udaljuju od Evrope. On tvrdi da prije rata 1992. u Bosni i Hercegovini nije bilo islamista. Da je bosanskohercegovački islam tolerantan i dio Evrope.²¹

ODNOS ISLAMSKJE ZAJEDNICE SPRAM PROBLEMA TERORIZMA.

Čudan je, da ne kažemo nezainteresovan odnos Islamske zajednice spram problematike terorizma u svijetu kao i veze BiH sa Islamskom državom i vehabijsko-selefijskim pokretom u BiH.

Svaku vrstu konkretnog očitovanja spram ovih tema Islamska zajednica načešće odbija od sebe i banalno se opravdava time da se ljude osuđuje i proganja samo zato što su bošnjaci-muslimani, dok se druge dvije strane (hrvatska i srpska) uopšte ne proganjaju, iako je očito i postojanje Ravnogorskog i Ustaškog pokreta u BiH koji su direktno vezani uz religijske, vjerske i nacionalne netrpeljivosti.

Očiti primjer su napadi na imama džemata Trnova, Selvedina ef.Beganovića²², koji je javno pisao protiv slanja BiH državljanja na ratišta u Siriji i javno prozivao Bilala Bosnića, kojeg je okarakterizirao kao jednog od organizatora slanja dobrovoljaca u džihad u Irak i Siriju. Imam Beganović je zbog svojih istupa tri puta napadnut, i zbog tih napada je bio i životno ugrožen. Pitanje je dana i kada će napadima biti izloženi najbliži članovi imamove porodice koji bi za rezultat mogli imati najtragičnije posljedice.

Osim par očitovanja i osuda tih napada od strane lokalnih vjerskih islamskih službenika, niti jedan visoki dužnosnik Islamske zajednice nije konkretno osudio napade na imama Beganovića, osim što su iz kancelarije Reisa Kavazovića poslali saopštenje za javnost, u kojem za sve optužuju policijske organe i njihovu neefikasnost da pronađu počinioc tih gnusnih napada, što samim tim navodi na neko prećutno podržavanje vehabijsko-selefijskog pokreta od strane Islamske zajednice BiH.

MLADI BIH I TERORIZAM

Kao i za sve događaje u BiH (poput izbora, socijalne i ekonomske, političke situacije u državi), mladi BiH nisu zainteresovani ni za problematiku globalnog terorizma. Inferiornost mladih Bosne i Hercegovine poprima već hronične naznake za sve događaje, pa tako i nije neko preveliko čudo i nezainteresovanost spram terorizma, vehabijsko-selefijskog pokreta

¹⁹ <http://tuzla.danas.info/2015/03/09/bih-jedan-od-najvecih-regrutnih-centara-islamista-u-evropi/>

²⁰ <http://ekstremno.net/mirsad-kebo-za-banjalucki-atv-izjavio-bosnjaci-su-teroristi-i-krivi-su-za-rat/>

²¹ <http://tuzla.danas.info/2015/03/09/bih-jedan-od-najvecih-regrutnih-centara-islamista-u-evropi/>

²² http://sh.wikipedia.org/wiki/Selvedin_Beganovi%C4%87

u BiH, slanja dobrovoljaca u Siriju i Irak i sve većeg rasta nacionalne i vjerske netrpeljivosti u BiH. Osim pukoje nevladine organizacije u kojima participiraju mladi i njihovih pokušaja informisanja i animiranja građanstva spram ovih problematika, cjelokupna slika svjesnosti kod mladih je vrlo zabrinjavajuća i opominjuća.

KAKO DALJE ?

Kakva je budućnost terorizma u BiH nikome nije poznata ni jasna. Ekonomska i socijalna situacija u BiH, kao i nacionalne i vjerske netrpeljivosti u ovoj državi stvaraju veoma plodno tlo za još veću radikalizaciju ekstremnih skupina, tako da je eskalacija terorizma sa svih strana vrlo moguća. Ako tome pridodamo da je običan čovjek svakim danom sve više i više prinuđen da na ekstremne načine traži svoja ljudska prava, nisu nemoguće i pojedinačne akcije koje bi za rezultat mogle imati katastrofalne posljedice sa velikim ljudskim i materijalnim gubicima.

Ako vlast u BiH u što skorije vrijeme ne bude imala plan za poboljšanje ekonomske i socijalne situacije u zemlji, kao i ako ne budu imali plan za kontrolu pa čak i uništenje ekstremnih terorističkih grupa u BiH, predstoje nam sve gore i gore situacije u kojima će, opet načešće stradati nevini. Jer kada se sve sabere, najodgovorniji za ovakvu situaciju u BiH i sve većem porastu terorizma na ovim područjima, su oni koji su participirali u vlasti zadnjih 30-35 godina. A mnogi od njih su svo vrijeme tu, na vlasti.

Mario Vranješ

Tuzla, april 2015.

DODACI:

SIPA: U Siriji ratuje 80 bh. državljana



Državna agencije za istrage i zaštitu (SIPA) raspolaže operativnim informacijama da od izbijanja oružanih sukoba u Siriji i Iraku u tim državama boravi, ili je boravilo između 150 i 200 bh. državljana, potvrđeno je za "Dnevni avaz".

Više odlazaka

U odnosu na podatke s kraja prošle godine, evidentan je povećan broj, ali nije poznato da su tome razlog tačnije informacije o broju ili veći broj odlazaka bh. državljana na područje gdje ratuju terorističke organizacije Islamska država (IS), front El-Nusra i El-Kaida.

- Agencija raspolaže saznanjima da trenutno između 70 i 80 bh. državljana učestvuje u oružanim sukobima na tom ratištu – rekla nam je Kristina Jozić, portparol SIPA-e, dodajući da se radi o podacima operativnog karaktera koji su promjenljivi.

Kada je riječ o broju nastradalih, posljednji podaci Tužilaštva BiH govore da je blizu 30 osoba nastradalo u direktnim borbama na sirijskom ratištu. Policijske strukture iz BiH vjeruju da je taj broj mnogo veći, jer se za mnoge bh. mladiće i ne zna da se nalaze na ratištima u Siriji, niti njihove porodice uopće imaju podatke šta je s njima.

Dio koalicije

Bosna i Hercegovina dio je globalne koalicije u borbi protiv terorista Islamske države, a SIPA je nedavno formirala i Specijalni tim za borbu protiv terorizma, koji će ostvarivati usku saradnju s partnerskim agencijama u BiH, ali i zemljama regiona. Zbog javnog vrbovanja na terorističke aktivnosti, u Sudu BiH traje suđenje Bilalu Bosniću, neformalnom vođi vehabija u BiH, dok operativni podaci SIPA-e govore da se jedan od najtraženijih terorista na svijetu Nusret Imamović i dalje nalazi na sirijskom ratištu.

U Ukrajini ratuje pet državljana

Na ukrajinskom ratištu, prema podacima SIPA-e, nalazi se ukupno pet bh. državljana, ali su i ovi podaci promjenljivog karaktera te se, također, vjeruje da je ovaj broj mnogo veći. Riječ je o dobrovoljcima koji se bore na strani proruskih snaga.²³

Teroristi iz BiH prijetnja Italiji, Vatikanu i Papi?!



Crne zastave takozvane Islamske države vijore se po Bosni, samo na korak od Italije i daleko od Libije. Zemlja koju smatraju “potencijalnim kandidatom” za članstvo u Europskoj uniji dijeli dugu, slabo čuvanu granicu s Hrvatskom koja je članica Unije od 2013.

Procjenjuje se da u srcu Balkana imamo oko 3000 selefijskih ekstremista u blizini te granice, ne računajući mnoge koji su otišli u “džihad” u Siriju i Irak – navodi u analizi Thomas D. Williams, teolog, pisac, konzultant, međunarodni predavač i profesor na Ateneo Pontificio Regina Apostolorum u Rimu, jednom od najvažnijih instituta Katoličke crkve koji je jedno vrijeme bio i glasnogovornik Američke sinode i tamošnje biskupske konferencije.

Teroristička legla

Profesor Williams kaže kako je Balkan “posebna briga talijanske vlade” zbog geografske blizine i istorijskih veza s radikalnim islamom. Podsjeća kako su talijanski specijalci prošlog tjedna proveli završnu fazu protivterorističke operacije “Balkanska veza” u kojoj je razbijena teroristička ćelija takozvane Islamske države u sjevernoj Italiji koja je imala veze s Albanijom. Tad su uhapšena dvojica Albanaca: Alban i Elvis Elezi, te Marokanac Elmadhi Halili, zbog regrutiranja terorista na “balkanskoj ruti” i širenja radikalne islamske propagande.

- Bosna nije izuzetak kad govorimo o prijetnji stranih džihadskih militantata. Geografska blizina, krhki sistem vladavine prava i duboka ekonomska kriza elementi su koji pozivaju na dvostruki oprez. Talijanska vlada je toga svjesna i djeluje na dva nivoa: sigurnosnoj te na europskoj perspektivi zemlje – navodi Williams riječi Ruggera Corriasa, talijanskog veleposlanika u Sarajevu, dodajući kako se prema procjenama naših vlasti oko 160 naših državljana borilo ili bori u redovima tzv. Islamske države, dok procjene američkih obavještajaca kažu da ih je više od 340.

²³ <http://tuzla.danas.info/2015/03/29/sipa-u-siriji-ratuje-80-bh-drzavljana/>

Ovaj vatikanski profesor podsjeća na zastave tzv. Islamske države koje se vijore u srednjoj Bosni, navodeći kako su one slične onima pod kojima se bore džihadisti terorističke organizacije „Al Nusra Front“, bliske Al-Qa’idi, koja djeluje u Siriji i Libanonu i čija su specijalnost samoubilački napadi. Za pojedina sela, poput Gornje Maoče, navodi se kako kod njih “Europa nikad nije pustila korijene” te kako su dom Nusreta Imamovića koji je na američkoj globalnoj terorističkoj listi Al-Qa’idinih operativaca.

- Nisam sretan zbog gubitka mog sina, ali njegova smrt bila je Allahova volja. Ako Allah odluči i da njegova dva brata odu u Siriju, ne mogu reći “ne” – citiraju se i riječi Hamde Fojnice, čiji je sin Emrah oslobođen optužbi za pomaganje Mevlidu Jašareviću za napad 2011. godine na zgradu Veleposlanstva SAD-a u Sarajevu i koji je nakon puštanja na slobodu otišao na ratište u Irak, gdje je poginuo u samoubilačkom napadu.

Tu je i Velika Kladuša koja je dom radikalnog islamskog propovjednika Bilala Bosnića kome se sudi zbog regrutovanja boraca u redove tzv. Islamske države. – Uvjeren sam kako će oni osvojiti Rim. Vi ne razumijete kako je stvarna opasnost bliža od Libije. To nije prijetnja samo za Bosnu, već i za Italiju i Europu – kaže Esad Ećimović, sarajevski novinar koji se dva desetljeća bavi pitanjem islamskog ekstremizma.

Europa se plaši muslimana

Osim ovog profesora teologije i redovnog komentatora na talijanskim i međunarodnim televizijskim stanicama, uključujući NBC, CBS i Sky News, nekoliko talijanskih/vatikanskih medija bavilo se jučer sigurnosnom situacijom u našoj zemlji, a sve u povodu posjeta pape Franje Sarajevu 6. juna.

Tako je Il Giornale objavio i intervju s kardinalom Vinkom Puljićem u kome je on, između ostalog, kazao i kako se “Europa plaši muslimana”, dodavši kako je istodobno osjetljiva po pitanju prava religijskih manjina, ali i da “zaboravlja svoju osnovu, svoje temelje: njezine kršćanske korijene i kulturu”.

Kardinal Puljić: Ova država ne funkcionira

Europa se plaši muslimana, kazao je vrhbosanski nadbiskup Vinko Puljić u intervjuu za Il Giornale. Kardinal Puljić kaže kako je Europa senzibilna na prava religijskih manjina. – Ali, današnja Europa zaboravlja svoje osnove, temelje: svoje kršćanske korijene i kulturu – istaknuo je Puljić. Osvrćući se na najavljeni posjet pape Franje 6. lipnja našoj zemlji, kardinal je kazao kako naša zemlja nije dostigla stabilan mir nakon godina sukoba. –

Ova država ne funkcionira – kazao je Puljić. Dodao je kako je katolička populacija u BiH gotovo prepolovljena s nekih 820.000 prije na oko 430.000 poslije rata. – Katolici su predmet diskriminacije. Od europskih ulaganja koja bi trebala pomoći obnovi razrušene zemlje malo toga je došlo do katolika – kazao je Puljić.

Stolica za Papu

Talijanski mediji prenose ovih dana i priču o muslimanskoj obitelji iz Bosne, Edinu i Salemu Hajderovcu iz Zavidovića, koji izrađuju posebnu stolicu od orahovine na kojoj će u Sarajevu sjediti papa Franjo. Do danas su ovi stolari pravili razne vjerske suvenire, kako za Međugorje, tako i za brojne tekije i džamije u BiH. Podsjetimo kako cijeli projekat financira župa svetog Josipa iz Zavidovića, a čiji župnik Miro Bešlić navodi kako župa sa svojim vjernicima financira pravljenje ove stolice, a brojne su i donacije ljudi dobre volje iz cijele BiH i svijeta.²⁴

²⁴ <http://tuzla.danas.info/2015/04/01/teroristi-iz-bih-prijetnja-italiji-vatikanu-i-papi/>